

I.

CHINDER-MÄSS

Marzell Stählin / Fred Stocker

1. Du liebe Gott, hüt simmer do, hüt simmer bsunders gäre cho.
Hüt isch für üs ä Jubeltag, wo alles überstrahle mag.
2. Mir wänd nüd bloss, as 's Gsichtli lacht; mir händ au 's Härz
ganz suber gmacht: Hüt isch für üs ä Jubeltag, wo alles ...

II.

1. z' Bethlehem händ d'Ängel gsunge. Herrlich hät's zum Himmel Klunge:
Ruhm und Ehr em Jesuschind, Gnad de Lüt, wo willig sind! ...
Alle - Alleluja, Alleluja! ...
2. 's sell vo frohe Chinderöne hell dur üsri Chile dröhne:
Ruhm und Ehr em Jesuschind, Gnad de Lüt wo Alle-Alleluja ...

III.

1. D'Muetter hät für alli Tag üs ä Mocke Brot parad,
as mir drum gar nie Hunger händ: ...
2. Brot lyt jetz ufs Priesters Tisch, Brot, wo meh as Brot bald isch,
jetz gsägnert fromm durs Priesters Händ: ...
3. Brot, du wirsch ganz wunderbar hüt zu üsrem Herrgott gar,
wo mir dra dankbar glaube wänd: ...

IV.

Heilig isch de Vater, heilig isch de Sohn, heilig isch de Heilig Geist.
Munter wird de Gottes Thron voll vo Ängel froh umchreist.
Herr, du bisch prächtig, heilig und mächtig: .. Hosanna ... Herr ...

V.

1. Äntli, äntli isch das langi Plange uf dey gross Moment verby;
äntli, äntli dörfsch du, liebe Heiland, fromm vo üs empfangen sy.
Wie ich mich freu, wie-n-ich mich freu, chan ich nüd singe!
Wie ich mich freu; Du willst mir Chraft und Säge bringe: ...
Äntli, äntli isch das langi Plange ... Wie ich mich freu ... !
2. Heiland, Heiland lieb, tue mich behüete, mach mich tapfer, brav und
gesund. Und be-, und beschütz au myni Eltre, mi Verwandte jedi
Stund! Wie ich mich freu ... Heiland, Heiland lieb, tue ... Wie ich mich ...

VI.

Lass üs danke, liebe Heiland, dass Du hüt zu üs bisch cho;
wänd jetz brav sy, wänd üs weyhre, wänd jetz froh durs Läbe
go. Ja die ganzi Welt sell's merke, liebe Heiland, tue-n-üs
stärke! Lass üs danke, liebe Heiland, dass ... Alle-, Alleluja..!